


PLEIV TUJETSCH



RAPPORT ANNUAL 1993

INVITAZIUN

alla radunonza generala dalla Pleiv da Tujetsch, gliendisdis, ils 25 d'avrel
1994 allas 20.00 uras en sala pintga dalla casa da scola a Sedrun

TRACTANDAS :

Avertura e beinvegni

1. Elecziun da dus dumbravuschs
2. Protocol dalla radunonza generala dils 26-4-93
3. Rapport dil president
4. Rapport dil Cussegl pastoral
5. Rapport da quen, dils revisurs ed
 approbaziun dil quen 1993
6. Damonda da credit per la restauraziun dalla
 statua da Nossadonna digl altar dalla s.fossa a s.Vigeli
7. Damonda da credit per la restauraziun dil maletg
 da s.Gieri vid clutger a s.Vigeli
8. Orientaziun pert. la restauraziun interna dalla
 baselgia da s.Giachen a Rueras
9. Orientaziun pert. faners/baghetgs dalla pleiv
10. Preventiv 1994 e fixar pei da taglia
12. Elecziun/confirmaziun d'in delegau/ada el Corpus catholicum
13. Elecziun/confirmaziun d'in delegau/ada alla dieta catolica
 1994
14. Varia

A stedia participaziun envidan
per la suprastonza dalla Pleiv da Tujetsch

il president: Tarcisi Hendry
il vicepresidente: Silvio Schmid

PROTOCOL

dalla radunonza generala dils 26 d'avrel 1993 en sala da scola Rueras

TRACTANDAS: Avertura e beinvegni

1. Elecziun da dus dumbravuschs
2. Protocol dalla radunonza generala dils 27 - 4 - 92
3. Rapport dil president
4. Rapport dil Cussegl pastoral
5. Rapport da quen, dils revisurs ed approvaziun dil quen 1992
6. Orientaziun pertuccont la sanaziun dil tetg casa-pervenda a Selva
7. Orientaziun pertuccont segirar nos sanctuaris encunter enguladetsch
8. Approvaziun dil contract da servitud cun la VFA pert. prau Parvechel
9. Eleger cumissium per preparar renovaziun interna dalla baselgia da s. Giachen, Rueras
10. Preventiv 1993 e fixar pei da taglia
11. Elecziun dil cussegl pastora
12. Varia

Nies president Tarcisi Hendry selegra d'astgar beneventar 28 presents tier la radunonza generala a Rueras. Specialmein beneventa el nies plevon sur Alexi Manetsch, gerau Flurin Berther, ils revisurs da quen e las conluvreras ed ils conluvrers dalla pleiv.

Perstgisas: Sur Pius Venzin, Berther Ciril, Giuseppa Schmet, Vigeli Gamboni, Nicole Stiefenhofer e Vigeli Giossi.

1. Sco dumbravuschs vegn signur Hans Monn porponius ed elegius.
2. Il protocol dalla radunonza generala dils 27 - 4 - 92 ei staus publicaus el rapport annual ch'ei vegnius tarmess a mintga casada. Senza objecziuns vegn el approbaus cun admetter all'actuara in engraziament.
3. Il rapport dil president ei medemamein staus publicaus el rapport annual. Cun in cuort memento seregurdein nus dils cars defuncts, en special digl anteriur ugau da s. Vigeli, sgr. Nazi Monn che ha bandunau nus igl onn vargau. Silsunter fa nies president paleis d'in per fatgs impurtonts ch'ei succedi el decuors digl onn 1992:
Sentupada cullas suprastonzas dallas pleivs dalla Surselva a Glion. En quella dieta han ins discussiunau la situaziun egl uestgiu da Cuera e la munconza da spirituals en nosa regiun.

Egl onn vargau ei vegniu fatg lavur da manteniment vid ils suandonts indrezs e baghetgs dalla pleiv:

- Sala dalla casa pervenda, Sedrun
- Finiziun dalla sanaziun casa pervenda veglia, Sedrun
- Tualetta a Selva
- Restauraziun dall'orgla da Zarcuns

Il president admetta in sincer Dieus paghi a nos dus plevons, sur Alexi Manetsch e sur Pius Venzin. Els han buca adina schi lev en lur missiun e nus giavischein ad els vinavon tut bien ed igl agid dil Tutpussent. El engrazia era ad in e scadin che s'engascha per il beinstar da nossa pleiv.

4. Il rapport dil Cussegl pastoral ei medemamein staus publicaus. A tuts commembers ed en special alla presidenta Nicole Stiefenhofer s'auda in cordial engraziament per la vasta lavur prestada. Era el futur vegn ei buca a muncar agid pretensius da quei cussegl.

5. Il quen da cult 92 / 93 ei publicaus el rapport annual. Il cassier Bruno Berther dat aunc enzacontas informaziuns necessarias sur da differents posts e rispunda entelgeivlamein allas paucas damondas.

En num dils revisurs rapporta sgr. Rudolf Cavegn ch'els hagien revidiu il quen ed anflau tut per uorden. Il cassier administreschi las finanzas dalla pleiv cun grond quitau. El engrazia a Bruno Berther e recamonda d'approbar il quen e dar scarica al cassier ed a tuts funcziunaris.

Cun tscharna unanima vegn il quen approbaus.

6. La casa pervenda a Selva ei vegnida eregida igl onn 1952, suenter il grond barschament digl onn 1949. Il tetg-casa ed era il tetg dalla baselgia ein cuvretgs cun plattas da Val s. Pieder. Suenters tons onns ei il tetg ius empau en decadenza ed ina sanaziun ei pli che urgenta. El medem mument ei era da prender en egl ina izolaziun digl entir tetg-casa e remplazzar las canals. Ils cuosts totals ein previ cun ca. frs. 50'000.- Quella investiziun vegn finanziada cun frs. 40'000.- ord la reserva da baghegiar ed il rest da 10'000.- sul quen current ora.

7. Igl enguladetsch dallas statuas digl altar dalla s. fossa ha dau da ponderar co segirar las custeivladads da nos sanctuaris. Ina firma speciala ha elavurau ina offerta che cumpeglia il segirar tut ils sanctuaris da nossa val encunter enguladetschs. La finala han ins anflau ina sligiazion cuntenteivla che ha custau frs. 8'500.-. Ils cuosts ha mintga ugadia giu da surprender tenor investiziun.

La statua da Nossadunna, ch'era vegnida anflada la primavera 1992 ad Andermatt, ei preveda da restaurar e vegn a custar rodund frs. 10'000.-. Quella statua duei puspei vegnir tschentada egl altar dalla s. fossa.

8. Entras l'erecziun dalla nova punt sur Rueras ha la VFA giavischau da far in contract da servitud per rugalar igl access en cass da disturbis, donns e reparaturas vid la punt. Entras il contract ha la VFA il dretg da passadi entadem suenter l'ustonza siado e quei cun prender risguard sil temps da fretg e metter en uorden il terren e la seiv.

Tenor artechel 6 h e 21 dalla costituziun dalla pleiv vegn quei contract approbaus unanimamein.

9. Suenter la restauraziun externa dalla baselgia da s. Giachen ston ins patertgar vid ina restauraziun interna, numnadamein colurar igl entir sanctuari. Plinavon ein era certas midadas practicas enteifer la baseglia previdas. Per preparar quella restauraziun ei previu d'eleger ina cumissiun da treis dèls. Igl ugau Gion Giachen Monn presenta ils giavischs ch'ei da risguardar tier quella sanaziun.

Ella discussiun croda la damonda, daco ch'ils vischins da Rueras vegnien buca pli informai detagliadamein pertuccont fatgs dalla pleiv da Rueras e quei en ina u l'autra radunonza dil vischinadi. Quei eri usit e purtassi era oz certs avantatgs. Il president rectificescha, che tenor la costituziun dalla pleiv, art. 2 cumpegli la pleiv igl entir territori dalla vischnaunca politica da Tujetsch. Cun quei ch'ei existi mo ina suprastonza da pleiv, vegni ei practicau tenor statutas. Las informaziuns menziunadas vegnan pia dadas era futuramein mo sin radunonza generala dalla pleiv.

Pertuccont il quen da mintga sanctuari vegn ei practicau tenor las statutas. Mintga ugau ha da dar ina gada ad onn sclariment dil sacntuari pertuccau e presentar il quen annual. L'entira suprastonza da pleiv pren investa e reveda il quen. Sgr. Taddeus Giossi porta l'idea da presentar el rapport annual in pign quen pli detagliau da mintga sanctuari. Quei giavisch vegn aunc sustenius da plirs presents. La suprastonza ei prompta per novaziuns e vul ponderar co sliagar quei giavisch per cumpleina cuntentientscha.

Per la cumissiun da renovaziun dalla baselgia s. Giachen vegn fatg las suandontas propostas: Sper igl ugau baselgia ed in commember dalla suprastonza da pleiv duei ina tiarza persuna far part da quella cummissiun. Ei croda las suandontas propostas:

1. proposta: Sco tiarza persuna per la cummissiun vegn proponiu sgr. Mudest Venzin.

2. proposta: Ins vegli schar sura alla suprastonza da pleiv d'encurir il tierz commember.

Tier la votaziun peglia ei il pli silla secunda proposta.

10. Il preventiv 1993 ei era presentaus el rapport annual. Il cassier Bruno Berther dat aunc enqual sclariment. La suprastonza propona da schar il pei da taglia sco tochen dacheu sin 10% dalla taglia cantunala semplia. Il pei da taglia ed il preventiv 1993 vegnan approbai unanimamein.

11. Sunter treis onns d'uffeci ei gl'entir Cussegl pastoral puspei en elecziun. Il president engrazia a quels che han abdicau per lur grond engaschi ella pastoraziun. Igl ein quei:

Per l'uniun da dunnauns:	Barla Berther
Per la caplania Rueras:	Rudolf Giossi
Pils seniors:	Duri Cavegn
Nomina dil plevon:	Nicole Stiefenhofer

Il Cussegl pastoral secumpona da niev sco suonda:

Representant dalla giuventetgna Rueras:	Claudia Giger
Representant dalla giuventetgna Sedrun:	Sandra Berther
Representantas dall'uniun da dunnauns:	Ursula Deplazes e Lucia Giossi
Representant dil cussegl da scola:	Vegn nominaus dil cussegl niev
Representant dalla parochiala Sedrun:	Marcus Munsch
Representant dalla caplania Rueras:	Imelda Monn
Representant dil scolaresser:	Judith Hendry
Representant dalla musica:	Vigeli Gamboni
Representant dils seniors:	Toni Caderas
Representant dils chors baselgia:	Beni Caduff
Numnai entras ils plevons:	Rita Berther
	Marcel Soliva
	Daniela Cavegn

Gl'entir Cussegl pastoral vegn elegius en globo e retscheiva tscharna unanima. Ad els cordiala gratulaziun e plascher en lur uffeci.

12. Il president dat aunc enzacontas informaziuns:

Il maletg dil clutger baselgia Sedrun ei previus da restaurar

En la baselgia da Selva vulan ins turnar a montar las anteriuras truccas e tschentar ellas el chor. Pils dis da pelegrinadi vegn ponderau d'installar aultplidaders pils cartents che han buca plaz en baselgia.

Igl ugau da s. Vigeli sgr. Leci Jacomet ha abdicau sin l'entschatta digl onn 1994.

A Zarcuns vul ins organisar ina fiasta da restauraziun dalla caplutta e lu era presentar l'orgla restaurada.

La munconza d'organists a Sedrun fa panzieris. Signur Leci Jacomet jun. ha abdicau e la giuvna Claudia Huonder stat aunc in onn a disposiziun.

Ord il miez crodan aunc enzacons giavischs che la suprastonza pren bugen encunter sespruond da realisar els.

Sunter quella activa discussiun siara il president Tarcisi Hendry la radunonza cun engraziar a tuts per la preschientscha ed igl interess demussau.

Sedrun, avrel 1993

l'actua
Judith Hendry

RAPPORT ANNUAL

dalla suprastonza dalla Pleiv da Tujetsch per igl onn 1993.

Preziadas vischinas,
preziai vischins,

Igl onn 1993 schai davos nus e tonpli dat ins a caschun d'ina rapport ina egliada sil succedi duront quels dudisch meins. Pil pli essan nus vegni cunfrontai cun sgarscheivlas novitadas ord l'anteriura Jugoslavia. Nus tuts essan consterni, che pievels san esser sin tala moda crius in cun l'auter. Plein speranza mirein nus viers in avegnir pli prospereivel per quels carstgauns.

Uiaras, catastofas e disgrazias succedan all'ingronda sin nies mund. Biars pievels piteschan gronda dolur e quita e ston viver en relaziuns strusch supportablas.

Vesend ed udend tut quei che succeda ordeifer nossas scheinas, stuein nus esser pli che cuntents, gie ordvart engrazievels dad astgar viver en nossa patria, en nossa pleiv.

Eveniments da muntada per nossa pleiv havein denton era nus da notificar. La pli gronda midada enteifer la pleiv ei bein quella, che mo pli in plevon pastorescha l'entira vallada, la pleiv. Tschentaners ora han buca meins che tochen quater spirituals pastorau ella val. Denton, la situaziun precara da munconza da spirituals ha sfurzau a quella sligiazium. Cun prender risguard in sin l'auter e mussar toleranza ei quei problem segiramein da sligiar per bien da nossa entira pleiv, da tuts parochians.

Ord vesta dalla pleiv e legreivel per nus tuts ei che treis personas da nossa pleiv ein sedecididas per clamadas spiritualas. Igl ei quei frater Vigeli Monn, che ha fatg il profess festiv ella claustra da Muster. Giuvna Nicole Stiefenhofer ei entrada en claustra da muniessas. Plinavon ha il giuven Silvio Soliva, entras far ina oblaziun claustrala, priu il num frater Gion Battesta. Ad els treis che han priu quella via ella veta giavischein nus tut bien, cuntentientscha e la benedicziun dil Segner.

Bugen schein nus ussa aunc suandar sco usitau entgens impurtonts schabetgs e dar aschia ina investa en nossa lavur duront in onn ora. Il Tutpussent ha pertgirau e schanegiau nossa cuminonza da grondas disgrazias. Persuenter lein nus esser engrazievels.

MIDADAS TIEL PERSUNAL

Mint'onn dat ei en quest liug da palesar midadas. Buca meins che 60 personas s'engaschan sin ina moda ni l'autra per il beinstar dalla pleiv.

Rueras, plevon

Nunspetgadamein ha la suprastonza da pleiv retschert l'abdicaziun da sur Pius Venzin sco provisur a Rueras sin l'entschatta october 1993. Cun quei datum ha el surpriu la pastoraziun dalla vasta pleiv da Medel. Igl ei gnanc stau da patertgar da remplazzar sur Pius cun in niev spiritual . Ina caussa il mument vana. Dil reminent fuva la situaziun gia programada quell'uisa. A caschun d'ina sentupada dallas suprastonzas da pleiv dalla Surselva fuva vegniu presentau in plan da pastoraziun per nossa regiun. En lez fuva la pastoraziun en Tujetsch previda mo cun in plevon, e quei da Sedrun anora.

Igl uost 1988 ha sur Pius surpriu la provisura a Rueras e quei da Segnas anora. Sur Pius ha corrispundiu al giavisch dil vischinadi da Rueras/Dieni dad haver in agen spiriutual e partiu la caplania da Segnas cul vischinadi da Rueras. Ils vischins dadens il Dutg grond ein stai engrazievels per quei bien survetsch da sur Pius e bugen acceptau las midadas sedadas entras quella nova situaziun.

La lavur d'in spiritual en nies temps ei buca leva, anzi il cuntrari. Tuttavia la situaziun actuala dalla baselgia, la crisa insumma dalla baselgia catolica, buca mo ord vesta da nies uestgiu, dat da patertgar e levgiescha gnanc tec la lavur da pastoraziun. Quella lavur sto cumpegliar e survir a tuttas generaziuns pil beinstar spirtal - in pensum bunamein van, sch'ins vesa ed auda enqualga tgei pretensiuns ei vegn fatg davart bia glied. Aschia accumpognan tristezia e legria, quitaus e miserias igl operar d'in plevon.

La pleiv da Tujetsch, oravontut las vischinas e vischins da Rueras engrazian a sur Pius Venzin. El ha giu bien quitau dalla muntanera. Ils survetschs divins edificonts, ils priedis vegnan a restar a tuts en buna memoria. Biars malsauns e carstgauns en miseria han retschert il maun consolont da sur Pius che ha accumpignau els en lur greva sort.

La pleiv, il vischinadi, engrazia a Sur Pius pigl engaschi en favur d'ina prospereivla pastoraziun a Rueras. Possi Deus renconuscher la lavur e survetscheivladad da sur Pius.

Da cheu anora giavischein nus a Vus, sur Pius, vinavon tut bien, forza e buna sanadad en Vossa lavur en Vies niev camp da lavur ella vasta pleiv da Medel. La benedicziun dil Segner accumpogni Vus en Vies operar spiritual.

En quest liug lessel da tut cor engraziar a sur Alexi, ch'el ei staus prompts da surprender la pastoraziun dalla entira pleiv. Cugl agid e culla capientscha da nus tuts, cun esser tolerants e raschuneivels ei quella situaziun dumigneivla per nus tuts.

Cussegl pastoral

Las elecziuns en quei gremium a caschun dalla radunonza da pleiv han effectua bein enqual midada. Bandunau il cussegl han: Barla Berther-Tuor, Rueras; Rudolf Giossi, Rueras; Duri Cavegn, Rueras e Nicole Stiefenhofer, Sedrun. Ad els tuts

ensemien seigi da cormein engraziau per lur merets, lavur ed engaschi en quei gremium. Tut special engraziament admittel a signur Rudolf Giossi, anteriur president dil cussegl. Plinavon engraziel bugen era a dunna Nicole Stiefenhofer, medemamein anteriura presidenta dil cussegl, per sia lavur en quei ravugl, giavischond ad ella tut special bien en sia nova clamada.

Da niev el cussegl ein vegni delegai ed elegi: Daniela Cathomen, Gonda, Toni Caderas, Gonda; Lucia Giossi, Rueras; Daniela Cavegn, Gonda ed Annamaria Monn, Gonda. Ad els giavischein nus plascher e perseveronza en lur niev uffeci.

Organist

Suenter in onn engaschi sco organist a s.Vigeli, ha signur Leci Jacomet, junior, abdicau. Nus engraziein da tut cor per siu engaschi sco organist da Sedrun/s.Vigeli.

Ugau da s.Vigeli

Igl onn 1970 ha scolast secundar Leci Jacomet surpriu la scharscha dad ugau dalla baselgia parochiala. A caschun dil rendaquen entras ils ugau, ils 20 da schaner 1993, ha el fatg paleis sia abdicaziun sin la fin digl onn 1993. Duront pia 23 onns ha il Leci survigilau ed administrau ils fatgs da nossa baselgia da s.Vigeli. Enteifer quels onns ha ei buca muncau lavur. Sco iniziativ ugau ha el instradau e menau atras la restauraziun interna ed externa dalla baselgia. Vus pudeis cumprender la lavur che schai davos talas restauraziuns. Buca mo la lavur ei gronda, nuota ton semplia ei era il procurar per la finanziaziun d'ina tala lavur. Cheu ei il Leci s'engaschaus exemplaricamein e menau tuttas lavurs a buna fin.

El ei veramein s'engaschaus cun tgierp ed olma per il beinstar da nossa biala baselgia da vallada. Exemplaricamein ha el giu quitaud dad ella e tgrau cun engaschi admirabel.

Persuenter admittel da cheu anora nies pli sincer engraziament. Quel admittel bugen en num dalla entira pleiv da Tujetsch. Jeu ensiarei en quei engraziament era sia entira famiglia.

Preziau Leci, engraziel fetg per tut Tia lavur; il Segner remunereschi quei bi survetsch fatgs a nossa entira pleiv. Jeu giavischel a Ti tut bien e cuntentientscha, oravontut ina buna sanadad che Ti possiess aunc ditg guder Tiu temps da pensiun.

Sco niev ugau per s.Vigeli havein nus elegiu signur Giusep Decurtins, Sedrun. Nus engraziein ad el per la promptadad da surprendre quei uffeci e giavischein ad el bia plascher, cuntentientscha e perseveronza.

ACTIVITADS

Il menaschi dalla pleiv ei vasts e multifars. Dallys uisas problems fatschentan in onn ora la suprastonza da pleiv. En siat sedutas havein nus encuretq sligiazions, tractau e liquidau las diversas fatschentas.

Baselgias e capluttas

Igl enguladetsch dallys custeivlas statuas digl altar dalla s.fossa a s.Vigeli il november 1991 ha sfurzau nus da ponderar co prevegnir dad ulteriurs enguladetschs ord nos sanctuaris. Serrar aunc nossas baselgias, fuss buca stau cunvegnent ed era buca garantiu segirtad absoluta - gliez ei insumma buca pusseivel. Denton havein nus tuttina vuliu interprender en caussa. Il schar segirar encunter enguladetschs a moda actuala, cun eletronica e sirenas, vess custau per l'entira pleiv da quei da varga 100 000.-- francs. Nus essan sedicedi per ina varianta pli mudesta e schau segirar e fermar nossas custeivladads mecanicamenin e quei en tuts sanctuaris.

S.Vigeli, Sedrun

Per la fiasta da Nadal havein nus tuts astgau admirar in bellezza cuvel, ina stalla per las bialas statuas da Nadal acquistadas igl onn vargau. Al construider signur Albert Cavegn, Sedrun ed a ses gidonters/tras engraziein nus da tut cor per il bi cuvel. Possi quella biala stalla far bia plascher a nus tuts, oravontut als affons, duront il bi temps da Nadal.

Orgla da Zarcuns

Sontgilcrest, ils 10 da zercladur 1993, ei stau organisau ina fiasta da benedicziun e presentaziun dalla anteriura orgla da Zarcuns. Deplorablamein ha l'aura buca propi vuliu e la fiasta ei per propi dada ell'aua. Il plascher vid l'orgla restaurada ei semanifestaus ord la gronda interessenza dalunsch e maneivel. L'orgla enrihescha la cultura indigena; da quei fatg savein nus tuts esser loschs.

A caschun dalla benedicziun cun in survetsch divin ordaviert han las uniuns indigenas embelliu la festivitad. Da tut cor engraziel jeu per quella purschida festiva. Il cussegl pastoral ha cun quella caschun organisau ina ustria sil plaz avon caplutta. Per lur engaschi engraziel bugen.

El decuors dalla entschatta digl onn 1993 ei l'orgla vegnida restaurada entras la firma Caluori a Says. Cantun e Confederaziun han demussau lur interess vid quei custeivel instrument e susteniu la restauraziun. Ils cuosts totals han muntau 33'000.-- francs. La finanziaziun ei succedida entras agens mettels e subvenziuns e cun agid da biaras e biars buns benefactors. A tut quels e quellas persunas che han aschi grondiusamein susteniu quella veramein necessaria e preciosa restauraziun dalla orgla, lessel da tut cor engraziar pil sustegn financial. In Dieuus paghi a Vus tuts.

Selva

En connex cun la sanaziun dil tetg dalla casa pervenda a Selva eisi era stau convegnent da far ina mudesta sanaziun vid il teg dalla baselgia. La situaziun fuva buca aschi precara sco vid la casa. Il pli necessari ed urgent ei vegniu fatg vid las plattas e las canals. A liunga vesta sto vegnir ponderau vid ina pli vasta sanaziun dil tetg e remplazzar tuttas canals.

Egl intern dalla baselgia han las anteriuras truccas danovamein anflau lur dacasa. La pareta ei ussa pli plascheivla ed il chor sepresenta pli amicabels e cumpleins. Il resun positiv ha susteniu e confirmau nies agir en caussa. Quei fa plascher e dat curascha.

Rueras

A caschun dalla radunonza da pleiv ei il suveran vegnius informaus davart ina restauraziun interna dalla baselgia da s.Giachen a Rueras. La suprastonza da pleiv, incumbensada entras la radunonza da pleiv, ha elegiu ina cumissiun che duei preparar l'entira restauraziun. En quella fan part: Sep Lurenz Berther, Rueras; Gion Giachen Monn, Rueras e Tarcisi Hendry, Sedrun.

En pliras sedutas ed uatgas ei la cumissiun sefatschentada cun la restauraziun interna. Sco restauratur e persuna cusseglionta ei signur restauratur Jörg Joos dad Andeer vegnius elegius. Sco architect ha la cumissiun elegiu signur Dumeni Maissen, Sedrun. Plinavon ha giu liug ina sentupada ed uatga cun signur dr. Rutishauser dalla tgira da monuments cantunala.

En damonda vegnan primarmein las suandontas lavurs:

- sanaziun dils mirs e stuccaturas el chor
- colurar entira baselgia
- nova illuminaziun
- spazzar plaz pil chor baselgia sin lautga
- diversas midadas praticas

Las miraglias neraz pretendan era d'eruir la fontauna che ha sin tala moda stgirentau las miraglias; perquei sto vegnir sclariu giu pertuccont il scaldament actual. Il resultat da quella examinaziun porscha a nus las directivas tgei interprender en caussa scaldament. Neginza restauraziun pretendan il mument ils treis altars dalla baselgia.

Secundarmein sto vegnir patertgau e ponderau vid in eventual remplazzament dils bauns, che van insumma buca a prau cun la baselgia baroca. La nav sepresenta oz empau a moda freida. In enrihament cun decoraziuns ni maletgs purtass veramein empau dapli atmosfera amicabla e legrevla.

Il program da restauraziun sepresenta sco suonda: Enteifer igl onn 1994 succedan tuttas preparaziuns. Entschatta 1995 duei il project vegnir presentaus al suveran e tschentau la damonda pil credit necessari. Primavera/stad 1995 execuziun dallas lavurs. Previu ei era dad executar certas lavurs en fuorma da lavur cumina.

La finanziaziun ei aunc buca segirada. Bein ha il premurau ugau, signur Gion Giachen Monn, rinnau tochen oz ina tschecca summa. Preziadas benefacturas e preziai benefactors, Vies sustegn finanziel appreziein nus grondamein ed engraziein da tut cor per Vies sustegn finanziel e moral, sperond era egl avegnir dad Vossa beinvulientscha. Cordial e sincer Dieus paghi a Vus tuts.

Casas, baghetgs e beins

Selva

A Selva ha la casa pervenda retschert in niev tetg. Suenter varga curonta onns fuva il tetg ius, entras auras e malauras, pulitamein en decadenza. Ina sanaziun fuva veramein necessaria. El medem mument ei era ina izolaziun stada d'engrau e las canals ruttas ein vegnidas remplazzadas. Ils cuosts totals han muntau 50 000.-francs.

Sedrun

A Sedrun en casa pervenda ei la grupp da termagls "Pluscheins" s'installada en la sala dalla casa pervenda. La localitad ei ideala per quei intent e nus vein bugen dau quartier a nos pignets.

SGUARD EGL AVEGNIR

Problems e lavur ein avunda avon maun pils onns vegnents. Cheu entginas lavurs previdas pigl onn vegnent ni era pli tard:

- restauraziun interna dalla baselgia da s.Giachen
- finiastras per la caplutta s.Clau a Tschamut
- colurar tetg a s.Leci
- colurar caplutta e sontget da s.Antoni a Surrein e Foppas
- sanaziun dils faners dalla pleiv
- midada dalla seiv entuorn casa pervendae baselgia a Selva
- indrez da tucclar automatic a Sedrun

QUEN ANNUAL

Il quen 1993 ei cuntenius el present rapport. Igl ei da tener bein quen cun las entradas. Igl aspect finanziel pigl avegnir vegn era a semidar tier nus.

MEMENTO

En pietad seregurdein nus dils cars defuncts, che han priu comiau da nus igl onn vargau, per render quen perpeten. Dudisch commembras/ers da nossa cuminonza cristiana ein vegni surdai al santeri da s.Vigeli. Il Segner detti ad els la

beinmeritada pagaglia. Els ruaussien en pasch. Allas famiglias en malencurada admettein nossa pli sincera condolientscha.

Tut special vulein nus bugen ed en pietad seregurdar en quest liug da nies convischin pader Placi Berther, claustra a Muster, ch'ei morts ils 7 da zercladur 1993. Pader Placi ei naschius ils 24 d'october 1904 a Rueras. Igl onn 1918 entra el en claustra e celebrescha il profess benedictin igl onn 1927. Igl onn 1931 vegn el ordinaus sacerdot. En claustra funcziunescha el sco scolast, sco statalter e bibliotecari dalla Biblioteca romontscha. Plinavon administrescha el durant biars onns la claustra da muniessas benedictinas a Müstair. Davos quellas annadas cheu sura schai in enorm buordi da lavur ademplius da pader Placi. Pader Ambros scriva en siu necrolog: " Cun pader Placi va bia oraziun en fossa. Nus sperein che sia intercessiun detti alla claustra novas clamadas ord tiara romontscha. La generaziun pli passada vegn buca schi spert ad emblidar quei conventual plein premura, oraziun e carezia proximala." Nus tuts giavischein a pader Placi il ruaus perpeten unius cun in engraziament per tut sia lavur pastorala. El ruaussi en pasch.

ENGRAZIAMENT

Igl emprem engraziament meritteis Vus tuts, preziadas vischinas e preziai vischins tujetschins per Vies agid e sustegn.

Tut special engraziament admettein nus a nos dus plevons, sur Alexi Manetsch e sur Pius Venzin. Igl engaschi ei vasts ed il buordi da responsabladad e quitaus buca levs. Da nos preziai augsegners vegn pretendiu e spitgau dabia.

Engraziament admettein era a sur Placi Huonder en casa s.Vigeli. Sia lavur pastorala appreziein nus ordvart fetg ed engraziein da cor ad el era en num dils cussadents da s.Vigeli.

Medemamein engraziar lein nus a sur Cristian Monn, Rueras, che segida meinsvart cun nos plevons.

Alla catecheta, dunna Daniela Cavegn, engraziein nus per l'instrucziun religiusa a Sedrun.

Nossas baselgias e capluttas vegnan embellidas e tgiradas cun carezia e bien quitaus. Allas calustras e calusters, a tuts ugaus in engraziel fetg.

Als chors baselgia da Sedrun e Rueras cun lur dirigents, commembras e commembers, allas organistas ed organists engraziein nus per il bi cant e la musica sacrala.

Al Chor mischedau Sedrun admettein en quest liug in sincer engraziament per il bi cant als survetschs funerals.

Il parter ora la s.communiun e far lectur/a ei in bi survetsch alla cuminonza cristiana. A tut quels che s'engaschan per quei pensum in sincer e meritau Dieus paghi. Nies engraziament ensiara e sedrezza era alla gruppa liturgica.

Grond engraziament meretta il Cussegl pastoral. Il rapport muossa lur activitad duront in onn ora. A tuts commembers e commembras in engraziel, in tut special alla premurada suprastonza cul president signur Benedetg Caduff al tgamun.

Engraziament era allas autoritads communalas per lur segidar e per la buna collaboraziun.

Nossas fiastas ecclesiasticas vegnan pil pli embellidas entras nossas uniuns culturalas. Nus exprimim in cordial Dieus paghi alla Societad da musica, al Chor mischedau Sedrun e Rueras, alla Cumpignia da mats ed alla giuventetgna dall'entira vallada.

Era a tut quels che s'engaschan per il survetsch social a nies pievel, aschia l'Uniun da dunnas Tujetsch, l'Uniun samaritana e l'Uniun Spitex, lein nus engraziar.

Engraziament merettan secapescha era tut mes collegas dalla suprastonza. In bien cooperar en quei gremium ei secapescha impurtonts. Da quella emperneivla collaboraziun hai jeu adina saviu profitar. Engraziel persuenter.

CONCLUSIUN

Igl ei struschamein pusseivel da nudar e tangar tut ils problems che sepresentan ed occupeschan in onn ora la suprastonza da pleiv. Hagies pia capientscha sche in u l'auter eveniment ei buca remarcaus cheu en quest liug.

Il Tutpussent accumpogni, protegi e governi nus era vinavon.

Sedrun/Gonda, entschatta avrel 1994

Per la suprastonza dalla
Pleiv da Tujetsch

il president: Tarcisi Hendry

RAPPORT ANNUAL DIL CUSSEGL PASTORAL

In onn ei puspei vargaus ed ei tucca a mi da dar sclariment sur dalla lavur digl onn 1993 enteifer il cussegl pastoral.

Preziadas conparochianas e preziai conparochians,

Nies pensum ei fixaus en ils statuts, denton creiel jeu era ch'ei seigi fetg impurtont dad haver egls ed ureglias aviartas per tuts ils giavischs e novaziuns enteifer nossa pleiv.

Elecziuns

Alla fin d'ina perioda da treis onns d'uffeci dat ei adina abdicaziuns. Aschia han era uonn tschun commembers demissiunau, numnadamein: Rudolf Giossi, Duri Cavegn, Barla Berther, Imelda Monn e la presidenta Nicole Siefenhofer.

En quei connex lessel prender la caschun ed engraziar grondamein a tut quels commembers che han bandunau il cussegl pastoral per lur grond engaschi.

A caschun dalla davosa radunonza generala dalla pleiv ein ils suandonts commembers vegni elegi el cussegl pastoral.

Toni Caderas	pils pensiunai
Daniela Cavegn	numnada entras il plevon
Lucia Giossi	dunnauns e mattauns
Imelda Monn	parochiala Rueras
Anna Maria Monn	cussegl da scola

Als novs elegi giavischel bia buna iniziativa e satisfacziun en lur niev pensum.

Di da suppa

Sco mintga onn ha la giuventetgna da Rueras e Sedrun era puspei dau suatientscha a nies giavisch ed organisau e preparau il di da suppa. Per sia eccellente lavur e pil bi recav, en favur dall'unfrenda da Cureisma, in grond engraziament.

Restauraziun externa e benedicziun dalla orgla a Zarcuns

Cun la suprastonza dalla pleiv ensemen vein nus organisau per il di da Sontgilcrest ina mudesta fiasta d'inauguraziun. Era sche s.Pieder ha buca manegiau dil meglier cun nus, vein tuttina fatg fiasta cun Nossadunna. A sur Alexi grond engraziament per la celebraziun della s.messa. Grond engraziament era a tut tgi che ha embelliu la s. messa en tutta plievgia cun cant e musica.

L'abdicaziun da sur Pius Venzin

La nunspitgada abdicaziun da sur Pius Venzin ha dau a nus bravamein da studegiar cun quei che la scartezia d'augsegners ei gie en l'entira Surselva gronda. Per sia buna pastoraziun e premurau engaschi seigi admess in profund engraziament. Sur Alexi ei denton staus prompts da surpender l'entira pleiv da Tujetsch. Per siu engaschi en favur dalla pastoraziun engraziein nus da tut cor. A sur Pius e sur Alexi giavischein vinavon cumpleina satisfacziun e cuntentientscha en siu grond pensum da lavur.

Camp da ministrants

Gia per la secunda gada ha sur Alexi organisau in camp per nossas ministrantas e nos ministrants. A Frutigen ella Surselva bernesa han nos ministrants astgau passentar ina biala jamna. Da tut cor lein nus engraziar a sur Alexi ensmen cun sias gidontras.

Survetsch divin preeucaristic

Sin l'invitaziun da sora Maria Vinzens da Glion ha il cussegl pastoral astgau annunziar treis persunas. Sora Ulrica Flury, Rita Berther e Daniela Cathomen han dau suatientscha al cussegl ed han priu part ad in cuors fundemantal per menar atras il suvetsch divin preeucaristic. Lein sperar ch'ellas seigien promptas da surpender quei suvetsch ed envidar in'auter onn nos affons ad in u plirs survetschs divins preeucaristics. Per lur beinvulientscha in grond Dieus paghi.

Devoziun d'Advent

Duront il temps d'Advent vein era uonn preparau ina devoziun. La devoziun d'Advent duei gie gidar a preparar nus sin la naschientscha dil Tutpussent. Alla grappa liturgica, lecturs e la tschunavla classa cun lur scolast, seigi engraziau per la pietusa devoziun ed il bi cant.

Conclusiun

In cordial engraziament admittel a nos preziai spirituals, sur Alexi e sur Pius per lur grond engaschi en favur da nossa pleiv. Bugen engraziel era alla suprastonza da pleiv cun lur premurau ed activ president Tarcisi Hendry. Mo era il meritau engraziament retscheivien nos chors e tuttas uniuns che segidan per il beinstar da nossa pleiv. A mia consuprastonza, sco era a tuts commembers dil cussegl pastoral in grond engraziament per lur collaboraziun e grond engaschi.

Sedrun, calonda mars 1994

Per il cussegl pastoral
il president:
Benedetg Caduff

QUEN DA CULT PER IGL ONN 1993

Expensas:

Cuosts persunal/instanzas

Pagas	141 036.85
Pagas e cuosts suprastonza	3 610.00
Cussegl pastoral	1 500.00
Cassa da cumpensaziun AVS	12 610.85
Cassa da pensiun	6 745.20
Cassa da malsauns ed accident	126.95
Ulteriurs cuosts da persunal	3 651.35

Cuosts casas/baghetgs ed indrezs

Manteniment casas	55 824.35
Manteniment baghetgs	50 000.00
Manteniment indrezs	17 356.25
Ieli, elecricidad, aua	1 511.80
Serenera e miardas	1 838.70

Cuosts generals

Tscheins e cuosts da banca	4 368.50
Taglias	1 107.25
Segiradas	2 342.10
Auto e garascha	749.70
Contribuziuns	1 860.00
Incasso taglia	4 465.45
Uorden per dar ductrina	349.50
Stampats	5 135.90
Restituziun taglia alla fontauna	5 170.05
Ulteriurs cuosts generals	3 529.00

Total expensas **324 889.75**

Entradas:

Taglias		
Taglia da cult		223 273.85
Taglia alla fontauna		50 000.00
Tscheins		
Tscheins casa		18 338.00
Tscheins da banca		1 305.15
Tscheins fondos e carnets		3 351.60
Tscheins da praus e terren		5 752.00
Tscheins parcadi e piazza da sport		16 147.00
Tscheins tschaler da schurmetg		3 099.00
Contribuziuns		
Contribuziun caluster		1 500.00
Contribuziun ductrina		6 000.00
Diversas		
Ulteriuras entradas		1 511.15
Taglia anticipada		649.20
Total entradas		330 971.95

Saldo

Total expensas /entradas	324 889.75	330 971.95
Fatg anavon	+ 6 082.20	
Total	330 971.95	330 971.95

BILANZA per ils 31 da december 1993

ACTIVAS:

Facultad currenta dalla pleiv

Cassa	381.48
Conto da banca cantunala	21 624.05
Conto banca Raiffeisen	11 902.00
Dabien taglia da cult	218 808.40
Dabien taglia alla fontauna	50 000.00
Dabien taglia anticipada	1 024.10

Facultad piazzada

Casa pervenda Sedrun	272 000.00
Casa pervenda veglia Sedrun	194 000.00
Casa pervenda Rueras	163 000.00
Casa pervenda Selva	122 000.00
Faner Rueras	9 600.00
Baghetg Selva	42 300.00
Faner Dulezi/Rueras	7 900.00
Praus	20 000.00
Carnets da spargn	17 018.03
Obligaziuns	71 000.00

PASSIVAS:

Passivas transitoricas	1 000.00
Deivet hipotecar	63 242.35
Imprest caplania Selva	6 963.35
Imprest pervenda Rueras	11 093.35

Agen capital e reservas

Agen capital pleiv	1 090 259.01
reserva manteniment da baghetgs	50 000.00

Saldo	1 222 558.06	1 222 558.06
Total	1 222 558.06	1 222 558.06

	OBLI.	CAR.SP	IMPRES
Pervenda e caplania Sedrun			
Tier la banca cantunala	33 000.--	10 253.90	
Tier la banca Raiffeisen	19 000.--	4 333.08	
	<u>52 000.--</u>	<u>14 586.98</u>	
Pervenda Rueras			
Tier banca Raiffeisen	7 000.--	1 065.90	
Dabien dalla pleiv			11 093.30
	<u>7 000.--</u>	<u>1 065.90</u>	<u>11 093.30</u>
Caplania Selva			
Tier banca cantunala	7 000.--		
Tier banca Raiffeisen	5 000.--	1 365.15	
Dabien dalla pleiv			6 963.35
	<u>12 000.--</u>	<u>1 365.15</u>	<u>6 963.35</u>

Baselgias:

Sedrun: Baselgia s. Vigeli	ugau: Leci Jacomet	
Capitals baselgia s. Vigeli		15 817.25
Deivet		38 613.00
Sedrun: fondo da messas	administratur: Leci Jacomet	
Messas fundadas s. Vigeli		179 375.55

Rueras: Baselgia s. Giachen	ugau: Gion Giachen Monn	
Fondo baselgia		8 648.60
Conto da baghegiar		59 745.05
Rueras: fondo da messas	administratur: Gion Giachen Monn	
Messas fundadas s. Giachen		106 391.80

Selva: Baselgia s. Gion e s. Paul	ugau: Flurin Monn	
Facultad		37 421.75
Selva: fondos da messas	administratur: Flurin Monn	
Messas fundadas		32 295.35

Capluttas:

Giuv: Caplutta s. Bistgaun	ugau: Gion Giachen Monn	
Facultad		16 118.40

S. Brida:	ugau: Flurin Monn	
Facultad		9 706.65

Bugnei: Caplutta s. Giusep	ugau: Adalbert Decurtins	
Facultad		33 053.50

Camischolas: Caplutta s. Onna	ugau: Venanzi Cavegn	
Facultad		13 463.85

Surrein: Caplutta s. Antoni	ugau: Valentin Hendry	
Facultad		37 281.75

Cavorgia: Caplutta s. Leci	ugau: Vigeli Schmid	
Facultad		13 187.45

Zarcuns: Caplutta da Nossadunna	ugau: Vigeli Schmid, Zarcuns	
Facultad		5 415.20
Conto da renovaziun		7 246.75

Tschamut: Caplutta s. Clau	ugau: Beat Müller	
Facultad		4 765.15
Conto da renovaziun		10 411.30

REVISTA DIL QUEN DALLA BASELGIA S. GIACHEN

Preziadas vischinas, preziai vischins,

Era sch'igl ei buca usitau, lessel bugen dar ina cuorta revista sur dil menaschi da quen per igl onn 1993 dalla baselgia s.Giachen a Rueras. Cun il datum dils 19 da schaner 1994 ha il cassier dalla pleiv da Tujetsch, signur Bruno Berther, trapassau il quen, aschia ch'igl ei gest e dueivel da dar ina cuorta revista dil quen 1993.

Sut unfrendas ordinarias san ins capir, che l'unfrenda da quella dumengia va per ils basegns dalla baselgia. Aschia per: electricitad, reparaturas, manteniment, flurs, candelas, vin da messa, segiradas, paga ugau, revisiun annuala dalla orgla e revisiun parziala dalla ura e tuchiez, eav.. Unfrendas specialas van per pleivs basignusas, Caritas, unfrenda da cureisma, Tiarasontga, per il papa, basegns pastorals, fugitivs, Rogaziun federala, missiuns, universitad da Friburg, spital da Betlehem. Quellas unfrendas vegnan mintgamai proclamadas dil plevon el program dalla jamna. L'unfrenda "Renovaziun baselgia", va suletamein per quei intent.

Survesta restrenschida sin la resumaziun dils impurtonts posts:

Entradas:

Unfrendas ordinarias	6 246.80
Unfrendas specialas	11 635.35
Unfrendas renovaziun e bunamanas	6 570.25
Glischettas	2 707.20
Tscheins e restituziun taglia anticipada	6 055.90
Messas fundadas 3 x 500.--	1 500.00

Extradas

Revisiun dalla orgla	390.00
Revisiun ura e tuchiez	1 500.00
Jörg Joos, restauratur	1 062.00
Electricitad	2 637.00
Taxa da canalisaziun	244.40
Uorden da schubergiar e flurs	323.90
Paga ugau baselgia	250.00
Candelas, hostias, etc.	1 623.95
Segiradas	2 691.80
Unfrendas specialas	11 635.35
Messas presoldidas 169 x 10.--	1 690.00
Messas fundadas	1 500.00

Davart la facultad dalla baselgia da s.Giachen mira rapport annual!

Per finiziun da miu rapport lessel engraziar cordialmein a tuts benefactors dil sanctuari da s. Giachen. Dieus remunereschi els cun tshiendubla pagaglia, sperond ch'el schenghegi vinavon als vivents il dunn dad haver il maun aviert per il senn d'ina buna caussa, ed als cars defuncts il ruaus perpeten.

Igl ugau baselgia

Gion Giachen Monn

RAPPORT DILS REVISURS DA QUEN

Sut datum dils 14 da mars 1994 han ils sottascrets revisurs repassau il quen e la bilanza per 1993 dalla Pleiv da Tujetsch.

Nus havein controllau entradas ed expensas, la bilanza sco era la facultad ed ils tetels da valeta.

Per las expensas ein tuttas quittanzas avon maun. Ellas ein vegnidas controlladas miniziusamein. Tier tuttas damondas leutier ha nies premurau cassier saviu dar sclariment.

Il quen ei menaus gests ed entelgeivels ed ei s'auda in grond engraziament per il stupent siaraquen a nies cassier.

Sin fundament dallas controllas fatgas, proponin nus alla hodierna radunonza da pleiv:

- a) d'approbar il siaraquen e la bilanza dalla pleiv per igl onn 1993
- b) da dar scarica alla suprastonza e funcziunaris
- c) d'admetter in cauld engraziament a nossa suprastonza, sco era a tuts funcziunaris dalla Pleiv da Tujetsch
Quei engraziament auda era a nos reveri augsegners ed a tut tgi che ha luvrau pil beinstar da nossa pleiv.

Sedrun, ils 14 da mars 1994

ils revisurs:

Robert Schmid

Rudolf Cavegn

PREVENTIV 1993 / 1994

Expensas:	1993/5	<i>Quem</i> 1994
Cuosts personal/instanzas		
Pagas	145 000.--	130 000.--
Pagas e cuosts suprastonza	3 500.--	3 500.--
Cussegl pastoral	1 000.--	1 500.--
Cassa da cumpensaziun AVS	17 500.--	13 000.--
Cassa da pensiun	10 500.--	7 000.--
Cassa da malsauns ed accident		900.--
Ulteriurs cuosts da personal	5 000.--	4 000.--
Cuosts casas/baghetgs ed indrezs		
Manteniment casas	60 000.--	20 000.--
Manteniment baghetgs		40 000.--
Manteniment indrezs	20 000.--	20 000.--
Ieli, electricitad, aua	6 000.--	5 000.--
Serenera e miardas	2 000.--	2 000.--
Cuosts generals		
Tscheins e cuosts da banca	200.--	5 000.--
Taglias	1 100.--	1 100.--
Segiradas	4 000.--	2 500.--
Auto e gasascha	1 800.--	1 400.--
Contribuziuns	1 000.--	2 000.--
Incasso taglia	4 000.--	4 500.--
Uorden per dar ductrina	2 000.--	1 000.--
Stampats	3 300.--	5 000.--
Restituziun taglia alla fontauna		2 500.--
Ulteriurs cuosts generals	5 550.--	2 000.--
Total expensas	298 450.--	274 400.--

Entradas:	1993	1994
Taglias		
Taglia da cult	190 000.--	200 000.--
Taglia alla fontauna		50 000.--
Cassa da pensiun	3 200.--	
Cassa da cumpensaziun	6 600.--	
Segirada d'accident	1 300.--	
Tscheins		
Tscheins casa	18 000.--	19 000.--
Tscheins da banca	300.--	1 400.--
Tscheins fondos e carnets	2 500.--	3 500.--
Tscheins da praus e terren	5 729.--	6 000.--
Tscheins parcadi e piazza da sport	15 480.--	16 500.--
Tscheins tschaler da schurmetg	3 099.--	3 200.--
Ord reserva da baghegiar	40 000.--	20 000.--
Contribuziuns		
Contribuziun caluster	1 500.--	1 500.--
Contribuziun ductrina	6 000.--	6 000.--
Ulteriuras entradas		1 000.--
Taglia anticipada	800.--	
Total entradas	294 508.--	278 100.--

SURVESTA

Preventiv	1993	1994
Expensas	298 450.--	274 400.--
Entradas	294 508.--	278 100.--
	- 3 942.--	+ 3 700.--

UFFICIALS DALLA PLEIV TUJETSCH

Suprastonza dalla pleiv

president	Tarcisi Hendry, Sedrun/Gonda
vicepresident	Silvio Schmid, Rueras
actuara	Judith Hendry, Sedrun
cassier	Bruno Berther, Rueras
	Bernadetta, Cathomen, Sedrun/Gonda
	sur Alexi Manetsch, Sedrun (ex off.)

Revisurs da quen

	Rudolf Cavegn, Sedrun
	Robert Schmid Sedrun/Gonda
suppleants	Tadeus Giossi, Rueras
	Ambrosi Soler, Sedrun/Bugnei

Ugaus baselgias e capluttas

Tschamut	Beat Müller, Tschamut
Selva	Flurin Monn, Selva
S.Brida	Flurin Monn, Selva
Giuve	Gion Giachen Monn, Rueras
Rueras	Gion Giachen Monn, Rueras
Zarcuns	Vigeli Schmid, Zarcuns
Camischolas	Venanzi Cavegn, Camischolas
Sedrun	Giusep Decurtins, Sedrun
Bugnei	Adalbert Decurtins, Bugnei
Surrein	Valentin Hendry, Surrein
Cavorgia	Vigeli Schmid, Sedrun/Gonda

Organists/as

Rueras	Vincens Pally, Rueras
	Rita Berther, Rueras
Sedrun	Leci Jacomet, Sedrun
	Erica Steinacher, Turitg/Muster
	Claudia Huonder, Muster
	Simona Caduff, Sedrun

Dirigents dils chors baselgia

Rueras	Hans Monn, Camischolas-sura
Sedrun	Tarcisi Hendry, Sedrun/Gonda

Cumissiuun restauraziun interna Rueras

	Tarcisi Hendry, Sedrun/Gonda
	Sep Lurenz Berther, Rueras
	Gion Giachen Monn, Rueras

Calustras

Rueras

Sedrun

Imelda Monn-Monn, Rueras

Ursula Deplazes, Sedrun

Cussegl pastoral

presidenta

actuaara

cassiera

Benedetg Caduff, Sedrun

Bernadetta Cathomen, Sedrun

Rita Berther, Rueras

Daniela Cathomen, Gonda

Toni Caderas, Gonda

Imelda Monn, Rueras

Claudia Giger, Rueras

Lucia Giossi, Rueras

Daniela Cavegn, Camischolas

Annamaria Monn, Gonda

Vigeli Gamboni, Sedrun

Judith Hendry, Sedrun

Ursula Deplazes, Sedrun

Marcus Munsch, Sedrun

Marcel Soliva, Sedrun

ex officio

sur Alexi Manetsch, Sedrun

Catechesa

Sedrun

Daniela Cavegn-Pally, Camischolas

Parter ora s. communiun e lecturs/as

Rueras

Imelda Monn, Rueras

Hans Monn, Camischolas-sura

Giuseppa Giossi, Rueras

Lucia Giossi, Rueras

Nicolina Giossi, Rueras

Sedrun

Marcel Soliva, Sedrun

Ursula Deplazes, Sedrun

Franzisca Cavegn, Sedrun

Marcus Munsch, Sedrun

Giuseppa Schmet, Sedrun

Irma Manetsch, Sedrun

Benedetg Hendry, Sedrun

Sep Andriu Monn, Sedrun

Vigeli Schmid, Zarcuns

Marianna Monn, Sedrun

Nesa Cavegn, Sedrun